

De articulis fidei, Liber I. 32

eodē 5. Iustificati ex fide habemus pacem ad Deum per Dominum nostrum Iesum Christum. Fides beatificat, Ioh. 20. Thomas, quia me vidisti credidisti, Beati qui non viderunt, & crediderunt.

Ad fidei enim perfectionem 7. requiruntur. primum quod sit primæ virtuti innixa; sicut fides Moysi, qui negavit se esse filium filia Pharaonis &c. secundum, quod fides sit charitate formata, sicut fides Magdalenæ. tertium, quod sit deuotione feruida: sicut illius mulieris cui dixit Dominus, O mulier magna est fides tua &c. quartum, quod sit bonis operibus probata sicut fides Cornelij. act. 10. quintum, quod sit fortitudine roborata; sicut fides beati Stephani, Laurentij &c. vnde secundum Macrobius. Fortitudo est turpia metuere, prospera, & aduersa fortiter tolerare. quoniam fortis omnia facilliter tolerat, propter illud quod amatur, secundum Aug. sextum quod sit obedientia decorata; sicut fides Abraham. septimum quod sit humilitate fundata: sicut fides beatæ Mariæ dicentis, Ecce ancilla Domini fiat mihi secundum verbum tuum. Luca primo. Sed quia dicit auctor in littera sua sic bene nisi credendo saluaberis, &c.

Est notandum, quod differentia est inter credere Deum, credere Deo, & credere in Deum. Credere Deo, est credere vera esse, quæ loquitur. Credere Deum, est credere Deum esse, & ita faciunt plures mali. Credere in Deum est credendo diligere, & diligendo ei adherere & eius membris incorporari; secundum Mag. sen. 23. di. 3. credendo in eum, quis iustificat impium ad Romanos quarto, &c.

